



UNIVERZITET U SARAJEVU
Centar za interdisciplinarne postdiplomske studije

objavljuje

K O N K U R S

za upis studenata/ica u prvu godinu drugog ciklusa interdisciplinarnog master studija

RODNE STUDIJE

u akademskoj 2010/2011. godini

Odlukom Senata broj 01-38-1224/10 od 28.04.2010. godine data je saglasnost za upis studenata/ica na Master studij *Rodne studije*.

Master studij *Rodne studije* je dvogodišnji, interdisciplinarni postdiplomski program s ciljem edukacije studenata/ica o metodama, teorijama i konceptima potrebnim za izučavanje roda/gender-a. Studij treba da doprinese uspostavljanju mreže eksperata/ica spremnih za rad u domaćim, regionalnim, međunarodnim vladinim i ne-vladinim, te akademskim institucijama itd., sa zajedničkim motivom da promoviraju rodno istraživanje, rodno interdisciplinarno znanje i rodnu jednakopravnost unutar svojih zajednica. Struktura programa naglašava regionalni pristup izučavanju rodne problematike. Program je predviđen za maksimalno 30 polaznika/ica.

Predavači/ce i teme izučavanja:

Predavačko osoblje sastoji se od univerzitetskih profesora/ica i stručnjaka/inja iz oblasti rodnih studija. Pored predavačkog osoblja sa Univerziteta u Sarajevu, u realizaciji programa učestvuju i profesori/ce univerziteta iz Tuzle, Banja Luke, Mostara, univerziteta iz jugoistočne Evrope, EU i šire.

Obavezni predmeti koji se izučavaju na studiju su: Metodologija rodnih istraživanja, Rodne teorije, Rod i ljudska prava, Rod i politika, Rod i Balkan, Rod i razvoj, Gender strategije i politike. Izborni predmeti obuhvataju teme kao što su rod i nacionalizam, rod i svakodnevni život u „tranziciji“, rod i izgradnja mira, te mnoge druge teme od značaja za region jugoistočne Evrope. Nastava se izvodi na bosanskom/hrvatskom/srpskom i na engleskom jeziku.

Postupak prijave:

Na master studij mogu se prijaviti kandidati/kinje koji/e ispunjavaju kriterij završenog I ciklusa studija koji se vrednuje sa najmanje 180, odnosno 240 (E)CTS studijskih bodova, kao i kandidati/kinje koji/e su završili/e studij po predbolonjskim nastavnim planovima i programima. Kandidatima/kinjama koji/e su završili studij po predbolonjskim nastavnim planovima i programima može se priznati do max. 60 ECTS (predmet pojedinačnog razmatranja i odluke). Uz aktivno znanje jednog od službenih jezika Bosne i Hercegovine (bosanski, srpski ili hrvatski) zahtijeva se aktivno znanje engleskog jezika, visok stepen motiviranosti za studij, te aktivno poznavanje rada na računaru.

Uz prijavu za studij, kandidati/kinje prilažu:

- Originalnu diplomu i dodatak diplomi (za studente koji su završili Bolonjski studij) o prethodno završenom studiju, odnosno nostrificirana diploma za kandidate/kinje koji/e prethodni studij nisu završili/e u Bosni i Hercegovini (studenti/ce Univerziteta u Sarajevu koji su završili/e prvi ciklus studija mogu, do izdavanja diplome i dodatka diplomi, predati uvjerenje o završenom studiju ukoliko se promocija i dodjela diplome vrši nakon završetka roka predviđenog za dostavljanje prijave za upis po ovom konkursu)
- Uvjerenje o položenim ispitima (original)
- CV
- Pismo motivacije (esejskog tipa u dužini od 3 strane, na engleskom jeziku)
- Dokument koji potvrđuje aktivno znanje engleskog jezika
- Izvod iz matične knjige rođenih (original, ne stariji od 6 mjeseci)
- Uvjerenje o državljanstvu (original, ne stariji od 6 mjeseci)

Mogućnost intervjua je takođe predviđena.

Prijem i upis studenata provodi Nastavno naučno vijeće Master studija, na osnovu Odluke o kriterijima i mjerilima za utvrđivanje redoslijeda prijema kandidata za upis u prvu godinu drugog ciklusa studija na Univerzitetu u Sarajevu u školskoj 2010/2011. godini. (www.unsa.ba)

Izvođenje nastave: Mjesto izvođenja nastave je Centar za interdisciplinarnu postdiplomske studije Univerziteta u Sarajevu (CIPS). Nastava se većinom izvodi vikendom.

Diploma: Diplomu izdaje Univerzitet u Sarajevu.

Akademski titula i stručno zvanje nakon završenog II ciklusa: stručni stepen - magistar rodni studija.

Školarina: Cijena školarine za Master studij je 6.800,00 KM (Odluka Vlade Kantona Sarajevo broj 02-05-19288-9/09 od 11.06.2009. godine). (www.unsa.ba). Obezbeđena je donacija za troškove školarine u visini od 50% ukupnog iznosa. Studenti/ce participiraju u troškovima realizacije studija sa **3.400,00 KM** (troškovi odbrane magistarskog rada uključeni), sa mogućnošću plaćanja u max. četiri rate (850,00 KM na početku svakog semestra).

Dodatne stipendije: Postoji ograničeni fond donatorskih sredstava za putne troškove studenata/ica koji/e ne žive u Sarajevu. Za ovu vrstu stipendije potrebno je posebno uložiti molbu.

Dokumenti, traženi konkursom, trebaju biti dostavljeni i primljeni u Centar za interdisciplinarnu postdiplomske studije Univerziteta u Sarajevu, Zmaja od Bosne 8 (Univerzitetski kampus) do **29. novembra 2010.g.**

Rok za prijavu: **29. novembar 2010.g.**

Zainteresovani/e kandidati/kinje mogu dobiti detaljnije informacije o studiju u:

Centru za interdisciplinarnu postdiplomske studije Univerziteta u Sarajevu,

kontakt osoba Nejra Nuna Čengić - koordinatorica,

Univerzitetski kampus, Zmaja od Bosne 8, 71 000 Sarajevo

Tel/Fax: 033 668 683, 668 685, 668 687

E-mail: nejra@cps.edu.ba

Web stranica: www.cps.edu.ba

Realizaciju Master studija Rodne studije finansijski podržava Švedska vlada putem Švedske agencije za međunarodni razvoj i saradnju (Sida), te Agencija za ravnopravnost spolova Bosne i Hercegovine, Ministarstvo za ljudska prava i izbjeglice Bosne i Hercegovine